

Dapli divorzis e damain naschientschas

Las cifras dal svilup demografic svizzer durant l'onn 2019

DA MARTIN CABALZAR/FMR

■ **En il decurs da l'onn 2019 è il dumber da mortoris e da divorzis creschì levamain. Sa reducids en cumparegliazion cun l'onn precedent en las maridaglias, ils partenadis registrads e las naschientschas.** Ils resultats provisoris da l'Uffizi federal da statistica per l'onn 2019 mussan duas cleras tendenzas: Primo è il dumber da mortoris creschì per 0,3 pertschient, quai ch'è d'attribuir a la vegliadetgna auzada da la populaziun en general. Secundo è il dumber da divorzis creschì per 0,4 pertschient en cumparegliazion cun 2018.

12 pertschient damain naschientschas en il Grischnun

Il dumber da las naschientschas è sa reduci dad 87 900 (2018) sin 84 000 (2019). Questa quota è restada stabila en ils chantuns Appenzell Dadens ed a Neuchâtel e sulet en il Giura hai dà dapli naschientschas il 2019. En tut ils ulteriurs chantuns èn ellas sa sminuidas. En il Grischnun èn naschidas l'onn passà 792 poppas e 791 pops. Quai è in minus da var 12 pertschient cumpareglia cun l'onn precedent.

Il pli aut dumber da naschientschas ha la Svizra pudì registrar ils onns sessanta dal tschientaner passà cun passa 110 000 uffantins. Da lez temp parturiva ina dunna en la media 2,45 uffants, ils ultims onns è questa cifra sa stabilisada sin 1,5 uffants per dunna.

Er èn las dunnas adina pli veglias tar lur emprima pagliola. Questa media è creschida da 30,9 sin 31,1 onns.

Prest mintga tschintgavel uffant na nescha betg pli en ina lètg. L'onn 2018 èn 22 600 uffants naschids ordaifer ina lètg, l'onn 2019 èn quai stads 21 900. Quai corresponda ad ina reduziun da 3,2 pertschient. Il dumber da renconuschientschas da paternitad munta a 21 500, ina reduziun dad 1,8 pertschient en cumparegliazion cun l'onn precedent.

Adina damain matrimonis

Er il dumber da matrimonis sa reducecha adina dapli. L'onn passà han ins registrà ina reduziun da 6,2 pertschient en cumparegliazion cun l'onn precedent. En il decurs da 2019 èn vegnidas serradas 38 200 lètgs. La reduziun pertutgant conjugal svizzers (-4,6%), conju-

gals esters (-13,1%) sco era maridaglias da personas multinazionalas (-5,1%).

Dapi la mesadad dals onns novanta sa stabilisescha il dumber da matrimonis sin radund 40 000 per onn, entant ch'il dumber da la populaziun è creschì vinavant. La prontadad da maridar sa reducecha consequentamain. Il dumber da matrimonis sa reducecha en prest tut ils chantuns, cun excepziun da Sursilvania e Basilea-Champagna nua ch'ella è restada stabila.

Flaivel 650 pèrs omosexuels èn sa decidids per laschar registrar lur partenadi, 7,5 perschient pli pauc che l'onn precedent. La reduziun è pli gronda tar las dunnas (-10,9%) che tar ils umens (-5,9%). Tuttina è il dumber da partenadis registrads creschì 2019 en ils chan-

tuns Sviz, Friburg, Solothurn, Basilea-Citad, Basilea-Champagna, S. Gagl, Tessin, Vallais, Neuchâtel, Genevra e Giura.

Dapli divorzis tar personas da l'exteriur

L'onn 2019 han ins registrà tut en tut 16 600 divorzis, quai che corresponda ad in augment da 0,4 pertschient en cumparegliazion cun l'onn precedent. S'augmentads il pli fig èn ils divorzis da pèrs da l'exteriur e quai per 10,4 pertschient. Tant tar ils pèrs svizzers sco per tals da naziunalitad maschadada è il dumber da divorzis sa reduci. La durada media da las lètgs che vegnan separadas è restada stabila cun 15 onns. Resguardond las tendenzas dals ultims onns èsi da quintar che duas da tschintg lètgs (40,4%) fineschian in bel di en ina divorzi.

Dapli mortoris da dunnas che dad umens

L'onn 2019 èn mortas en Svizra 67 300 personas, quai èn 200 (+0,35) dapli che l'onn precedent. In augment da mortoris datti tant tar las dunnas (+1,2%) sco tar ils umens (+0,5%). Pertutgadas il pli fig en personas attempadas. Tar las personas da passa 65 onns è il dumber da mortoris creschì tranter 2018 e 2019 da 58 300 sin 59 100 (+1,4%).

Quest augment è d'observar en la mesadad dals chantuns, cunzunt a Basilea-Champagna, Turitg, Friburg, Berna, Tessin, S. Gagl, Argovia, Schaffusa, Appenzell-dador, Vallais, Sur- e Sursilvania e Glaruna.



Aifer mo in onn è sa reducida per 6,2 pertschient la cifra da matrimonis en Svizra. MAD